



休境

之寧

縣圖

休寧志序

安成歐陽君以成化辛丑冬來知
休寧縣事明年春以縣志為屬會
予服闋將還



朝夕弗克也乙巳秋掇拾而成焉
蓋書之為圖者一為志者十有八
文之附者十有六詩之附者四總
之為卷三十有八君得之又大加
蒐輯而校刻之刻成以監察御史

召故書雖就緒而其間字之譌者未
整也乃復以摹本來俾有所是正
而後印布焉戊申冬予以斥歸田
君亦出按于蜀庚戌秋則又以書
抵予與繼知縣事中山張君請卒
其事值予病中不能執筆明年夏
疾少間而張君復有臺憲之

徵始克繕繹舊本則知張君嘗以其
暇日重加校閱可傳矣乃為之序

曰古者地理有圖有志蓋周官職
方氏與小史外史所掌而道以詔
王者非徒以飾吏事廣人之見聞
而已計田賦而知公歛之厚薄因
物產而知民生之豐儉察官迹而
知吏治之得失按人物而知士習
之浮雅俗尚之澆淳其於政乎繫
焉若此其大且要也休寧徽屬縣
之一其境據鄣山之麓而浙源之

水出焉在前代嘗為郡治又嘗析其境為縣者三曰黎陽歸德葵源自後郡徙治欽而省黎陽歸德來入則是縣也故郡境也且民風土俗見于朱子所記新安道院者今二百年道化之所漸其人當益醇更代以來徽為畿郡被

聖治之澤最久且先其俗當益美則所謂圖志者可取足故常而漫弗

之省執然予於是竊有感焉自丑抵亥十有一年矣歐陽君之惠政如昨日而張君當績成就

召之際取是編而繼圖之俾無遺憾則天下之事無巨細緩急類不易成如此顧以病夫退士於賢令君何能為役而獲挂其名於圖牒之上分寸之功獨非幸與歐陽君名且字子相辛丑進士張君名鏞

字汝器甲辰進士是為序
弘治四年歲次辛亥秋七月朔旦
賜進士及第致仕中順大夫詹事府
少詹事兼翰林院侍講學士兼修
國史 經筵官縣人程敏政書



休寧志凡例

一休寧舊有海陽諸志多詳於宋元畧於

本朝本朝所修者又多附於府志其勢益畧今悉蒐訪

增入

一自沿革以下諸目多依舊志畧加增損惟名宦人

物必其人已沒乃錄事定也題名及義烈賢孝已

經旌表者無間存亡可徵也

一人物畧用西山續文章正宗例分勲賢等類以便

觀覽

一田賦租稅戶口必無前代書之見其等差者民命

所繫也

一物產與他方同者不贅錄惟特產者書之

一舊志有書目一類凡新志並削之今仍增入不泯其著作之功使觀者可以尚友也

一山川古蹟祠墓寺觀等類悉以遠近為次

一宮室山川名宦人物事蹟志已書之如有專文又附載之不交重者所以備考閱且使觀者不以案牘視此本也

一所附文字在公署者必可按而行在民間者必可恃而勸非徒膾炙人口張大其事而已若慶壽哀輓譜序及高僧遺之類出於汎常者俱不能載一凡地里人事中有疎脫者補之差舛者正之不能一一識別題名中有不能追補亦據可知者書之右凡例十條初定著以語歐陽君君亟是之曰

據此必有可傳者會予與君前後入京未及竣事附者益衆率與此列不協而鄙文又多在焉不倫之謂其能免乎志之以誌觀者弘治辛亥六月晦日書

分寧志三十八卷目錄

圖

卷一

建置沿革

疆域

山川

風俗形勝

治所

公署

縣人程敏政編輯
安成歐陽旦增輯
中山張 鏞重校

門坊

隅都

學校

社學
書院家塾

壇場

倉園

郵傳

貢賦

田畝

租稅

戶口

物產

卷二

官蹟一

卷三

官蹟二

縣官題名

學官題名

卷四

古蹟

祠廟

卷五

寺院

宮觀

鎮市

塘場 池井

橋梁

卷六

宮室

墳墓

卷七

書目一

書目二

卷八

人物一

勲賢

卷九

人物二

儒碩

卷十

人物三

忠義

卷十一

人物四

孝行

卷十二

人物五

宦業

卷十三

人物六

遺逸 義民

卷十四

人物七

進士題名

卷十五

人物八

薦舉題名

科貢題名

卷十六

人物九

武臣

卷十七

人物十

列女

卷十八

人物十一

方技

流寓

卷十九

附文一

山川
橋場

卷二十

附文二

學校
家塾

卷二十一

木登系三行錄

附文三 壇廟

卷二十二

附文四 公署古蹟

卷二十三

附文五 官蹟

卷二十四

附文六 寺觀

卷二十五 上下

附文七 宮室

卷二十六

附文八 人物

卷二十七

卷二十八

附文九 人物

卷二十九 上下

附文十 人物

卷三十

附文十一 人物

卷三十一

附文十二 人物

卷三十二 上下

附文十三 人物

卷三十三

附文十四 人物

卷三十四

附文十五 人物

卷三十五

附文十六 人物

卷三十六

附文十七 人物

卷三十七

附文十八 人物

卷三十八

附文十九 人物

卷三十九

附文二十 人物

卷四十

附文二十一 人物

附文十五 書人

卷三十四

附文十六 祭文贊辭

卷三十五

附詩一 公著宦蹟

卷三十六

附詩二 山川古蹟

卷三十七

附詩三 山宮室

卷三十八

附詩四 雜人詩

目錄終

休寧志卷一

建置沿革

休寧本漢歙縣之西鄉屬丹陽郡吳分丹陽置新都郡析為縣號休陽治在今縣西二里靈鳥山以嗣主名休改海陽移治萬安山晉太康元年改海寧又分置黎陽縣宋大明八年省黎陽入海寧梁承聖中復置黎陽縣并割黟歙海寧為新寧郡陳省新寧亦省黎陽隋改海寧為休寧屬婺州尋屬歙州大業初以新安郡治此義寧中郡治移歙之烏聊山唐武德初縣治萬安山舊城開元二十八年析休寧置婺源縣天寶九年縣徙西十三里永泰元年盜方清隋州州民拒盜保于縣之山陰二年盜平又析置歸德縣大曆四年省歸德復休寧宋

初屬歙州尋改歙為徽元屬徽州路丁酉年屬興元府
吳元年仍舊為徽州府縣名皆因之

唐為上縣宋為望縣元為中縣

疆域

縣在府西六十五里其境東西廣長六十八里南北二百七十九里一百三十步陸路至南京七百二十里北京四千六十五里

四至

東至歙縣觀音堂二十八里由觀音堂界至歙縣三十七里共六十五里

西至黟縣界四十里由黟縣界至祁門縣榔木嶺二十五里由榔木嶺至祁門縣五十里共一百一十五里

南至衢州府開化縣江嶺界一百二十里由江嶺至開

化縣七十五里共一百九十五里

北至黟縣界韓嶺六十里由韓嶺界轉西到黟縣三十五里共九十五里

八到

東到歙縣六十里

西到黟縣六十五里祁門縣一百一十五里

南到開化縣一百九十五里

北轉西到黟縣九十五里

東南到嚴州府遂安縣大夏界一百五十里由大夏界

轉東到遂安縣一百四十二里

西南到婺源縣木瓜坑界七十里由木瓜坑到婺源縣

一百三十里

東北到歙縣湖嶺界三十里
西北到寧國府涇縣界一百四十里到黟縣鄧村四十
里由鄧村到黟縣五十里

山川

山

松蘿山在縣北十三里高一百六十仞周十五里與天
祿山聯實休寧巨鎮山半石壁百餘仞峯巒攢簇松蘿
交映有禪庵在焉蜿蜒數里如列屏障于縣治之北
古城岩在縣東七里高八十仞即萬歲山上有州治故
基下有鵝公鵝母石如兩鵝入洞各留後截半體在外
旁有巨石在田高丈五餘闊二丈有奇為磨崖碑縣宰
鄒補之大字隸書兌封於上

金雞峯在縣東二十里峭拔特秀峯頂有西峯即前峯
半有佛龕

梢雲山在縣東北二十三里高一百五十二仞周五十
二里武洪水出焉舊名郎山天寶六年改今名

龍仙山在縣東南三十五里平地特起四十仞周五里
南有石壁削成數百尺闊四十餘丈呼之輒應土人謂
之響山其西塢有石峯特起狀如丫角名拄棒山

仰山在縣東南五十七里窮源深谷間一逕縈紆陟而
復降其中平衍羣山環拱若蓮花然曰蓮花山有寶公
祠在焉水旱禱之輒應

鳳山一名靈鳥山在縣西二里高三十仞自白雲峯翼
然而來盡于古陽夾溪二水之會距方頂平臨孔道舊

縣治此旁有小池名鳳池

石人峯在縣西七里高五十仞狀如人冠方巾背溪面山而立

東山在縣西一十五里龍源趙沔後江西黃楚望受春秋學歸築精舍于此虞集記之

梧桐岩在縣西十里上有懸崖可避風雨下有坦石可當堦堦後人因作佛祠

滴水岩在縣西三十里石泉懸絕壁而滴四時不竭下有仙姑祠歲旱禱雨輒應

南當山在縣西三十六里高八十五仞周四里今俗名當坑山

白嶽山在縣西四十里高三百仞周三十五里奇峻絕壁斷崖松蘿森靄真勝境也

齊雲岩在白嶽山西北高二百仞中峯有峻崖小道憑梯而上其三面並絕壁二百餘丈不通攀緣峯頂闊四十畝有故階迹瓦器石室亦嘗有學仙者居之其東北石壁五綵狀若樓臺在空中勢欲飛動又如神仙五六人憑闌觀望德祐丙子里人作寨屋於岩上以避難岩之阿有武當行祠石岡圍繞有層樓環列至元中有講師葉元鄭焚脩于此數年遷于鳳山之良庭祠前正對香爐峯左右兩崖之間有巨石特起又謂之凌虛臺實休寧勝境玄像凡兩經火一髮不燬其異如此宋內相程秘書雲岩二字于石

獨聳岩在白岳山西北高三百仞周五五里頂有池水

清澈可鑑並崖演迤凡數曲折里人鑿渠引水下山溉田千餘畝舊志云有洞邃深唐乾元間嘗投金龍

石門岩在白嶽山西高二百仞周二十里天寶中有僧居之石室中有龕像講臺石梯之屬其東有高岩岩腰有石洞東西通徹可以往來乾元中道士龔棲霞絕粒隱此元和四年刺史韋綬感夢置精舍名石門寺門之下曰爛錦岩門之上盤石曰雲外座座東岩曰標霞西岩曰晞陽又東曰逼霄峰

密多岩在白嶽山南高二百仞祥符經云木罅中出蜜長吏嘗遣取之梁任昉為太守遂止皆誤傳也乃僧取梵書般若波羅密之義為稱今有密多院

高湖山在縣西一百二十里南接發源山塚有湖廣十

畝餘四時不涸土人稱聖湖

珠簾洞在縣西四十里齊雲岩丹崖壁立泉垂如簾簾前有池池未嘗溢亦未嘗涸曰碧蓮池

羅漢洞在珠簾洞旁洞中肖諸羅漢像

鹿解山在縣西一百五十里高二百六十仞周十五里昔有采藥者遇老人鬚眉皓白指靈藥示之乃遺鹿解

一作回顧失所在

岐山在縣西六十里高二百仞周二十三里又名石橋岩石壁千尺古藤絡其上花時如錦屏有石室方十餘丈垂瀑百仞西北半壁有大石橋亘兩山其旁有深澗相傳昔有碧蓮花葉徑尺自澗流出今有佛宮名石橋院

陽山在縣西北三十里下有土窟

白雲峯在縣西北三十里石圻山之支也頂有脩篁盤

石擁護靈湫普照大士祠在焉俗名佛子山祈禱輒應

大德辛丑秋旱一禱而雨揔管方回為記

石圻山在縣西北四十一里高一百一十仞周六里黥

泉之支也夾溪水出焉其岩中圻故名

石鳳凰嶺在縣西南十五里由黥縣頂灌諸山

來與錦堂山石人岩皆同支絡而盡於遊仙山率水吉

陽水之會西峯有大聖祠禱雨輒應

顏公山在縣西南四十里高五百仞周三十八里由五

嶺來西南接婺源界自麓至顛可三十里山半稍前則

四旁隆起其窟處有清濁池又有湖廣五畝中多鯉魚

昔顏公隱此一旦來風去宋建炎庚戌僧惠緣結

旁名全真中有小金佛像相傳昔人鋤地得之迄今崇

奉不替有龍王祠每歲旱禱雨輒應來遊者不敢携酒

殺邑士吳師禮朱權朱况朱申相繼寓此肄業後登進

士第皆通顯

張公山即古率山在縣西南一百六十里高一千四百

餘仞其山由五嶺西北重岡大嶺源深根盤周百餘里

上有龍井禱雨即應昔有張公隱此采藥煉丹數十年

後忽不知所之故名山在婺源休寧之間實鄰浙二江

大源其陽西流入彭蠡其陰東流百七十里合吉陽水

入浙江吉陽者黥水之大源也
玉几山在縣南三里又名塔山兩旁凡十有二峯

錦堂山在縣南十七里孤峯特立趾圓頂平昔江慶受業胡安定歸結廬此山以淑其徒凌唐佐金安節皆嘗就學慶尚義有德邑聞于郡太守洪文惠适命即其所建庵以祠之號瞿曇道坊慶孫奎復構庵以祀

東密岩在縣南三十五里高六十仞環四面皆平山土田衍沃獨此山特高周廻絕壁如城東西二小逕由石磴而登其頂平夷方廣八百餘步乾符五年黃巢兵寇郡程潛帥義立寨于此拒之今水池塹壘猶存土人燕牧時獲遺鏃折戟之屬上有元帥府基下有落箭丘岐陽山在縣南五十里高四十仞其脉由馬金嶺蜿蜒而來黃源佩琅二水夾流而中巋然特立其枝為萬松山宋少師程秘墓在焉其陽平行程氏自唐都使雲建

帥府于山下子孫世居之

白際山在縣南八十五里高一百五十仞其山由五嶺而來連起大峯相續不斷東連歙縣之危峯方吳查木諸嶺以界乎睦之遂安衢之開化

雞籠山在縣南九十里高一百六十仞周五十里形如雞籠洋符經云唐開元中有道士謀卜居視黃山曰確而寒視飛布曰高而無輔至此山曰是宜為葬地高可致王侯下當致妖異時縣人洪真師事之道士歸卧室中真竊視狀如蛟龍俟覺遂辭去道士亦去之番易真遂遷父骨葬此真歸回玉鄉本好方伎頗能以小術動人乃潛謀起事州發兵捕殺數十人而真竟不獲乃即回玉鄉置婺源縣以鎮之其基尚存

方原山在縣南一百十八里高二百五十仞周三十里
本名黃土山唐天寶六年改名方原又名馬金嶺前志
載方原黃土為二山今按方原即黃土實自五嶺分枝
而來東連白際而雞籠山則其枝也今土人謂其尖曰
黃尖其水曰黃源又曰方原猶與舊相出入其陰則水
北流入率山之江其陽則東流者入于睦之遂安西流
者入于常山界而捲朝宗于浙江云

川

率水即張公山之水浙江之大源也張公山在虞芮鄉
三十三都山之南為婺源其水南下而西流者過饒州
澤于彭蠡山之北水源有三皆自山顛瀑瀉流下其一
源自望仙岩流出馮村梅溪口流入祁門界孚溪之水

會又東南流入休寧至流口其一源自高湖尖流出
大連小連至汪村溪過桑園潭出彭護坑口東至海口
與梅溪孚溪之水相會東流百二十里至江潭溪口浙
源之水赴焉亦名漸溪漢志云漸江水出黟縣南今浙
嶺屬婺源而溪屬休寧自此兩溪相合水港益大東流
百餘里至率口然後率山之水方北流來會又流數十
里至浦口而徽郡練溪之水方合流而為新安江過嚴
陵至錢唐入于海自張公山至錢唐共三百六十灘
浙源水出浙嶺東流縣南一百一十里一名漸溪即古
漸地也溉田二十七頃
至城水出五嶺及顏公山二水合流于龍灣溪口溉田
四十頃

白鶴溪水出黟縣吉陽山東流一百五十里至斷崖雙溪口與夾溪水合東流于夏紋溪富郎潭為請水祈雨之所過萬安古城岩下東南流三十里至屯溪與南港大溪相會

夾源水出石圻山南流六十七里合吉陽水

方原水出方原山即黃源也北流四十里合大溪

汭水在縣南五十里其源東自白際佩琅南自馬金黃源二水而來演迤四十里至此合流為一環繞岐陽山故名汭水宋隆興甲申少師程秘生有紫雲繞溪經日不散又名紫雲溪由溪北流二十里合率口水而黃羅峯障焉

源坑水出鹿髀山南流百五十里溉田三十一頃

南當水出南當山東流百五十里溉田三十二頃

謁潭在縣西四十里西岸有石崖廣丈餘故老謂仙人嘗釣于此旁立龍王祠禱雨者遇神異輒得甘霖

龍潭在縣西七十里練浦岸有龍祠祈禱遇魚躍必雨有堂下瞰碧潭曰慶遠頂有亭環以脩竹曰翹翠徑出而西一亭臨雙井之上制置程準名以喜雙清

江潭在縣西七十里

霓潭在縣西北六十里澄澈百丈石壁旁聳

月潭在縣西南四十里潭上兩山相揖如牛飲于溪其鼻皆巨石夾溪對峙如門其南有山合諸小水來會離立參拱潭形正圓如月深不可測

富郎潭在縣東二里每歲旱請水有應

千秋潭在縣東二十里潭上有焦石將軍石
黃石潭在縣東南四十五里

相公湖在縣東南五十里一名黃墩湖湖有蜃常與呂
湖蜃鬪程靈洗善射夢蜃化為人告曰吾為呂湖蜃厄
君若助吾必將厚報東白練者我也明日靈洗彎弓助
之正中黑蜃後一道人指以墓地葬其母太夫人靈洗
即梁將軍忠壯公也

油潭在縣南三十里

鑑潭在縣南三十五里潭清如鑑故名

孚潭在縣南三十五里

風俗形勝

休寧封域實鄣山之左麓而浙江出焉山峭厲而水清

其氣食其土以有生者其性情習尚不能不
剛而古固然而君子則務以其剛為高節奇行而尤
不義為羞故其俗難以力服而易以理勝苟所為者出
於公論之所是則雖或拂於其私而卒不敢以為非也

朱文公新安道院記

新安山水天下之奇觀也休寧當其中一州清淑之氣
於是焉鍾故視他邑為最勝其民雅馴其俗簡易官于
此者無爭辯文書之繁有登眺遊觀之樂其解而去也
往往得書最籍稱能官故凡遊宦于東南者皆以徽為
樂土而尤在於休寧也

朱模記

松蘿岩堯兮屏其虛東溪紆徐兮帶其郭

程端明學記

新安居江東諸郡之中海寧居新安諸邑之中負載行

役道里適均

汪一麟推茶

休寧為徽近縣有高山浚川長林沃野民居之稠物產

之夥在他縣右

程文序

四方謂新安為東南鄒魯休寧之學特盛歲大比與貢

者至千人

趙訪學

休寧西當徽饒之交嶺曰黃竹有山如城中隱小谷前

臨大溪溪之外諸峯林立溪谷內向號為溪山第一

碩黃竹嶺

休寧一邑之內西北鄉之民仰給於山多植杉木摘茗

芳貿遷他郡東南鄉之民力日躬稼務勤生以供

尚禮節

舊志

治所

縣治所周廻九里三十步

堪輿家言縣基乃真武小

正對溪南一平山曰玉几山又曰塔山兩旁凡

縣前已街為蛇縣前直街為劍陽山為

公署

縣廳儀門各三間兩廊十六間獄一所丁酉年縣丞徐

安卿重建

幕司三間鼓樓一所洪武五年知縣杜貫道建

察院在治東正廳三間兩廊耳房各二間門房三間洪

武四年依式造

公館在治西正廳三間兩廊門屋各三間洪武七年建

知縣解居縣廳後縣丞居右典史一居左

縣廳東吏舍六所在縣廳西

申明亭在縣治公館之西各都三十三所
 旌善亭在縣治公館之西與申明亭連各都如之
 架閣庫在縣廳西洪武二十四年建
 稅課局在治南通市廳三間解舍在廳事後
 惠民藥局在稅課局西
 陰陽學在鼓樓西
 僧會司在普滿寺
 道會司在崇壽觀
 養濟院在縣東舊名安樂堂
 按官亭在東門外
 黃竹嶺巡檢司在三十都江潭正廳鼓樓各三間兩廡
 各二間

門坊

門四

東迎春 西齊雲 南班政舊名南山 北松蘿舊名良安
 坊十

畫錦 榮貴 宣仁 文昌舊惠化以金尚書改名 永寧
 旌孝 救寧 瑞芝 朱紫 保寧

隅都

隅四

東北 西北 東南 西南
 都三十三

宋元定置十一鄉六十里曰忠孝鄉在縣市及西南附
 郭其里孝芝宣仁懷義孝義安樂鄉在縣東其里安樂

和孝嘉福吳田長汀積善良安鄉在縣北其里開田安
 樂羣賢移風還珠吉陽鄉在縣西其里興善大和松溪
 鼓腹永和履仁鄉在縣西其里永康太平仁義仁德回
 溪黎陽鄉在縣東南其里信行依仁合陽信安懷仁由
 山鄉在縣南其里方潭同化重信嘉禾忠義和睦鄉在
 縣南其里方溪興教輕財富義長樂太清嘉善鄉在縣
 南其里奉正睦親紹聖從善永豐千秋南鄉在縣西南
 其里千秋江津仙鳧回口中平通衷永慶和化承端虞
 芮鄉在縣西其里常樂靖安趨化新折淳義洪武十八
 年設置糧長析為十二鄉統隅都洪武二十四年編一
 百六十里

忠孝鄉四隅一都

安樂鄉二都三都四都

履仁鄉五都六都七都八都九都

吉陽鄉十都十一都十二都十三都十四都十五都

由山西鄉十六都十七都十八都十九都二十都二十一都二十二都

黎陽西鄉二十四都二十五都二十六都二十七都二十八都二十九都三十都

黎陽東鄉三十一都三十二都三十三都三十四都三十五都三十六都三十七都三十八都三十九都四十都

和陸鄉四十一都四十二都四十三都四十四都四十五都四十六都四十七都四十八都四十九都五十都

虞芮鄉五十一都五十二都五十三都五十四都五十五都五十六都五十七都五十八都五十九都六十都

千秋南鄉六十一都六十二都六十三都六十四都六十五都六十六都六十七都六十八都六十九都七十都

學校

休寧舊學在縣治東街起自宋慶曆間紹興六年錫山
 陳之茂來為尉以從學者眾庠舍不能容得班政門之
 東偏築壇演迤始遷焉邑人勸相不日告成殿堂有序
 門廡有翼環列六齋淳熙戊戌主簿傅公本脩之淳祐
 癸酉縣令張抃重修久而漸弊壬寅邑人端明殿學士
 程秘備已賞新造文廟比舊高敞雄壯復葺齋舍至元

辛卯邑人朱震雷重修大德辛丑郡守布伯廉等勉諸
儒哀力整葺齋舍朱震雷獨建文公祠主簿趙桂縣尉
鄭文進相繼董工建靈星門內有硯池東闢小門出入
池內有平坦數十步坦之東為學廩西為學吏房儀門
建戟非迎牲不輕入左右二門通往來東廊幕次有先
賢祠祭器庫志道齋據德齋西廊有小學有依仁齋游
藝齋正殿後有明倫堂其東有德義齋有直舍西有治
事齋有直舍明倫堂有莞爾亭至正五年縣尹唐子華
重建壬辰兵燹國朝重建大成殿兩廡其講堂曰明倫
禮部碑處于左朱子學規置于右鍾鼓列堂下之兩旁
東齋曰好謙西齋曰處益戟門靈星門列乎前射圃觀
德亭闡乎左倉廩在東神厨宰牲房在右景泰壬申微

州府通判金真造泮橋成化六年同知黃用宣以學舍
隘而普滿寺正與學鄰時寺方燬於火乃規措易其
地之半起明倫堂且將次第大興學舍會寺僧有言巡
按御史費臻悉以其地歸寺毀明倫堂復還故處提學
御史戴珊命縣官少易寺地歸學復作明倫堂成化十
七年巡按御史黃傑提學御史婁謙以大成殿及兩廡
歲久頽弊命有司重修又重作兩齋及鄉賢祠規制一
新

社學

社學在縣治西各鄉俱有之

書院家塾

西山書院在會里宋龍圖閣學士程文簡公大昌建以

淑學者

商山書院在縣南浯田元行樞密院判官婺源汪同建并置學田請風林朱升為師延陳定宇姪光分教同元末起義保捍鄉里後死于忠

東山精舍在吉陽鄉龍源趙汭建汭初讀書于此其後從學者益眾虞集記之今刻石在縣學

萬川家塾在萬安街里儒汪德懋建汪克寬記以上皆廢

壇場

城隍廟在東山洪武四年建正殿寢殿兩廡門屋各有定式

社稷壇在縣西一都宋社在縣東南元豐末管幹河北保甲馬誠奏乞嚴天下社稷而縣社在酒稅務後湫隘

能名壇遺上城西數請於州及部

秋祈報寄於佛廬及驛舍之庶紹聖四

令白轉運使林邵得錢四萬有奇營

東備祭器焉後徙縣西門外元因之

國朝仍舊址社稷各一壇壇之西置神厨宰牲庫房各

三間洗牲宰牲各有池有井

邑屬壇在縣北門外二都鄉屬一十六所在各鄉

山川壇在縣南門外東二都

倉園

存留倉在鼓樓下東偏 義倉在縣治東三十步許

縣學倉在儒學戟門外東偏

預備倉在接官亭新設

東園在黎陽鄉十四都 新東園在十六都率口

西園在吉陽鄉九都 新西園在三十都常清宮前

南園在千秋鄉二十九都 三寶倉在二十八都三寶庵

北園在履仁鄉五都 半流倉在三十三都半流寺右偏

郵傳

本縣道路三西通黟祁南通婺源東達于歙置急遞鋪一十五所

縣前 綠溪 尚田 橋東 濠山 長堽 瑤嶺

朱塘 高視 隔山 黃柏 五城 磨石 茅坦

塔坑 朱村 弘治歲年知縣張錫人建塔與本縣舖四十里無人建塔與

貢賦

貢

九〇〇頭路虎一百九十八張

國朝〇活玉面狸八隻活土獾狸一隻活九節狸一十

二隻活鶻鳩三十隻退毛帶毛硝熟雜皮七百六十四

張野雞翎二萬三百七十枝

賦

酒課〇宋紹興九年計一萬八千二百七十四貫五百

六十文〇元九百二十錠一十三兩五錢六分八厘

醋課一十三錠四十九兩

國朝錢鈔共二百四十七貫六伯八十文係沽戶辦納

永樂十五年計七十四錠四十九兩

茶課〇國朝茶課六百八十九萬三千四百五十株

官抽一株計六十八萬九千三百四十五株共科芽葉

茶八萬六千一百八十八斤三兩折銅錢一千一百六十萬二千六百九十七文永樂十五年鈔五千一百一十二錠二伯八十文

稅課○宋熙寧十年商稅二千九百六十六貫二伯一十六文○紹興十年計一千四百二貫七十九文坊場十處河渡無○元置務五處共辦課鈔一千六錠三兩七錢四分○國初置稅課局一所洪武九年正月十四日至十年正月十二日止連閏計十二箇月零二十三日實辦課錢一千一百二十六萬七千一百一十七文○永樂十五年課鈔九千八百一十九錠一貫三伯七十文商稅鈔七千一百二十八錠一貫三伯七十文門牌鈔二千六百九十錠○成化元年鈔一萬一千五百

二十九錠四貫九十文商稅鈔七千五百七十八錠四貫七伯三十文門攤鈔三千九百四十八錠三貫契本工墨鈔二錠一貫三伯六十文

雜色課程○國朝永樂十五年共鈔八十八錠九貫八十九文花椒鈔二貫二伯文果木花利鈔一十三錠二貫二伯二十文房地賃鈔五十八錠八伯文黑窰鈔一十五錠

金課○元歲額一十一錠三十七兩九錢五分金沙出十九都大王干及姚溪等處本不多因建康路及祁門戶額並於休寧戶內點撥補完增金戶至七百二十一戶然淘洗不及數者並雇倩人夫於外路淘洗更不及數又於外路求金戶洗納之有餘者零細收拾以湊

額辦○國朝無

農桑○國朝永樂十五年桑一千五百七十株每株科絲二分歲徵絲一斤十四兩一錢四分用絲一斤十三兩七錢八分織絹一疋一丈四尺七寸解赴京庫交納餘絲三錢六分關發歙縣湊織

紙課○國朝舊每月解納榜紙三千八百張○今買辦抄造紙色數目不等

本縣距郡六十里在萬山間其地險陁而不夷其土駢剛而不化水湍悍少瀦蓄大山之所落深谷之所窮民之田其間者層累而上指十數級不盈一畝快牛剡耜不得旋其間刀畊火種十日不雨則仰天而呼一遇雨澤山水暴出其糞壤之禾蕩然一空蓋地

之勤民力者如此夏五六月田水如湯父子袒跣膝行其間溷深泥抵隆日蚊蚋之所撲齧螟蛉之所攻毒雖數苦有不能避其生勤矣山多田少民率貿易以供國需其貿易大率種雜樹及杉木為屋料燠野味及彘肉為食品采茶為飲緝苧為服搗桐為墨抄樹為紙煎油漆為器剝烏桕為燭其餘水竹棕毛及藥物之類亦不遺餘力矣

田畝

宋田園租額一十八萬六千九百五十畝三角一十四步屯田三百二十一畝三角十二步○淳熙間經界增多為三十萬三千九百六十四畝二角二十五步塘五百一十處

元延祐經理自實田土四千六百四十四頃二十五畝
五分二厘二毫內除係官公占等地四十九畝三分三
厘外有田土四千六百四十三頃七十六畝一分九厘
二毫數內有糧額成熟官民田土四千六百三十七頃
一十一畝四分一毫田三千一百七十二頃九十九畝
八分五厘四毫地六百五十九頃九十三畝一分四毫
山七千一十六頃五十一畝一分五厘九毫塘八十七
頃六十七畝二分八厘四毫

國朝戊戌自實後至甲辰年官民田土四千六百三十
七頃六十畝七分三厘一毫內除係官公占等地四
十九畝三分三厘外官民田土四千六百三十七頃一
十一畝四分二毫計田三千一百七十二頃九十九畝

分二厘四毫地六百五十九頃九十三畝一分
山七百一十六頃五十一畝一分五厘九毫塘八十七
頃六十七畝二分八厘四毫○乙巳年改科後至
十年官民田土四千六百三十七頃一十一畝四分一
毫內除學院山并前元職山六十二畝九分五厘七毫
不堪開耕別無租利外成熟官民田土四千六百三十
六頃四十八畝四分四厘四毫計田三千一百七十二
頃九十九畝八分五厘四毫地六百五十九頃九十三
畝一分四毫山七百一十五頃八十八畝二分二毫塘
八十七頃六十七畝二分八厘四毫舊官田上一十一
頃八十八畝一分四厘九毫計田九頃八畝七分三厘
二毫地一頃六十四畝一分四毫山八十三畝一分四

厘二毫塘三十五畝一分七厘一毫欽免五分原抄沒
田土七十四頃八十三畝二分八厘五毫計田五十八
頃二十四畝八分一厘八毫地六頃七十一畝八分一
厘二毫山八頃九十三畝四分三厘九毫塘九十三畝
四分一厘六毫全徵田土四千五百四十九頃七十七
畝一毫續抄沒田土民項下田土
民田土共三項計田三千一百五頃六十六畝二分四
毫地六百五十一頃五十七畝一分八厘八毫山七百
六頃一十一畝八分二厘一毫塘八十六頃四十一畝
六分九厘七毫○成化九年官民田地山塘五千一百
七十一頃一十八畝三分一厘五毫計田三千五百五
十二頃二十一畝一分二厘三毫地八百四頃五十七

畝六分二厘六毫山七百一十二頃八十二畝三分四
厘三毫塘一百一頃五十七畝二分二厘三毫

租稅

宋夏稅紬八百三十七疋二丈三尺三寸絹八千二百
六十二疋一丈七寸布一千八百二十九疋一丈八尺
綿五萬六千八百二十一斤一兩四錢小麥一千八百
四十七石七斗三升七合錢五千六百一十二貫六伯
八十二文軍衫布九百七十二疋一丈七寸租課錢一
十五貫七十五文秋糧糙米三萬八千四百二石二斗
三升八合鹽錢一千五百二十四貫七伯七文租課糙
米一百九十三石一斗四合五龠熟米一石四斗七升
和買紬三千五百二十五疋絹一萬八百七十五疋

元夏稅茶租中統鈔六十錠七兩三錢二分七厘絲九
千五百九十五斤五兩四錢綿一千五百六十三斤六
兩八錢二分秋糧米六千三百一十一石五斗一升三
合內除僧道舊有常住淘金馬站等戶并贖學貢士莊
官負職田不納糧田土外有糧額成熟田土四千一十
三頃六十一畝二分二厘九毫夏稅茶租中統鈔五十
一錠一十四兩五錢一分一厘絲八千一百一十斤一
兩六錢四分九厘綿一千四百四十六斤二兩八錢四
厘秋糧三千四百八十石二斗一升五合

國朝戊戌自實後至甲辰年官民田土夏稅麥絲綿九
千六百九十九斤七兩五錢八分四厘存留造限約九
百八斤實徵麥絲綿八千七百九十一斤七兩五錢八

分四厘每兩折正麥五升每正麥一石該耗麥七升每
正耗一石帶脚一斗計正耗脚麥八千二百七十八石
五斗二合二勺茶一千四百八十七斤六兩二錢三分
五厘秋糧金課共米一萬八百四十九石八斗七升八
合六勺官田土米六百三十八石三斗一升四合六勺
民田土秋糧金課共米一萬二百一十一石五斗六升
四合○乙巳年改科後至洪武十年夏秋租稅夏稅麥
共九千九百九十二石六斗七升四合七抄正麥八千
四百九十九石六斗九合二勺八抄耗麥五百九十一
石九斗六升五合九勺一抄脚麥九百一石九斗七合
五勺五抄夏租麥共六百一十石二斗四升七合二抄
正麥五百九十八石八斗八升八合六勺八抄耗麥九

石七斗五升四合四勺四抄脚麥一石六斗三合六勺
八抄秋糧米共二萬二千七百一石三斗六升六合八
勺七抄正米一萬九千三百一十七石八升五合六勺
八抄耗米一千三百三十七石一斗五升六合六勺七
抄脚米二千四十七石一斗一升八合九勺一抄六撮
秋租米共一千八百三十八石一斗一升七合二勺三
抄正米一千七百九十石六斗五升七合六勺四抄耗
米四十石八斗五合五勺三抄脚米六石六斗五升三
合九勺九抄九撮舊官田土夏稅麥七石七斗七升二
勺秋糧米五百八十三石七斗一升六合七勺六抄五
撮正米五百五石九斗三升八合四勺五抄耗米二十
六石六升三合八勺二抄脚米五十一石七斗一升四

合四勺九抄五撮原抄沒官欽免五分田土夏稅麥七
十二石八斗一升九合四勺九抄正麥七十石三斗六
升六合六勺六抄耗麥二石四斗六升二合八勺三抄
夏租麥二百八十八石四斗五升二合六勺九抄正麥
二百七十八石六斗九升八合二勺五抄耗麥九石七
斗五升四合四勺四抄秋糧米一百六十八石一斗九
升五合七抄正米一百六十二石五斗七合三勺一抄
耗米五石六斗八升七合七勺六抄秋租米一千七十
七石九斗一升一合一勺五抄正米一千四十一石四
斗九升八合七勺耗米三十六石四斗五升二合四勺
五抄全徵續沒官民項下還官學院續置寄莊等項及
民三項田土夏稅麥九千九百一十二石七升四合三

勺八抄正麥八千四百二十一石四斗七升二合四勺
二抄耗麥五百八十九石五斗三合八抄脚麥九百一
石九斗七升五勺五抄夏租麥三百二十一石七斗九
升四合三勺三抄正麥三百二十石一斗九升四合三
抄脚麥一石六斗三合六勺八抄秋糧米二萬一千九
百四十九石四斗五升五合三抄五撮正米一萬八千
六百四十八石六斗三升九合九勺二抄耗米一千三
百五石四斗四合七勺九抄脚米一千九百九十五石
四斗四合四勺七抄一撮秋租米七百六十石一斗六
升六合八抄正米七百四十九石一斗五升八合九勺
四抄耗米四石三斗五升三合八抄脚米六石六斗五
升三合九勺九抄九撮○成化九年夏稅麥一萬一千

二百二石六斗四升八合秋糧米二萬五千四百七十
二石六斗六升二勺

休寧之穀大率多宜秈少秠秠為小米秠為大米秈
有名控犁望早十日定秧擔者穀少而米細白人罕
種之然自蔣至收不過六十日立秋前已熟取高山
田種之以濟荒次者名金裹銀白麻仙柳條青泥鰍
青大頭秈八月則熟秠米有名師姑早菜子紅栗肉
黃棗子紅江西紅又黃萌栗矮黃野豬愁者長穀多
山田皆種以避野豬田鼠山猴禽獸之害稷之早者
名交秋白逢秋熟春則米多碎釀則味淡其曰重陽
熟烏稷霜下紅穀極多而釀極美麥有早麥青光麥
中期麥高稜麥宜為飯小麥有長穰麩厚而麩少白

赤殼麥麩薄麪多皆五月熟蕎麥俗呼烏麥早稻收而種之霜遲則熟麻有曰火麻早晚中期三色皮可績子可食油麻有名白麻早成赤殼麻火炭烏凡粟苧菜子皆有膏油但可照灼豆有大白六月白八月白大黑小黑大青小青赤豆寒豆泥豌豆粟則有早粟寒粟稷粟蘆稌則黑黍也

戶口

宋天禧中主戶一萬三千八百二十五口二萬四千六百三十九客戶四十六口四百六十六口○~~界~~界戶三萬二千八十經界戶一萬七千八百七十六口○乾道八年主戶一萬九千五百七十九客戶無○寶慶三年戶一萬九千六百二十六口四萬六千三十八口○元至元十

九年戶二萬七千六百七十口○~~元~~元一十七年戶六千六百四十八口一十九萬一千六十四有稅產二萬三千六十九戶無稅產一萬三千五百七十九戶北人戶南人戶儒戶醫戶匠戶站赤戶弓兵戶祇候人戶徃徃進退不常與前數不同也

國朝洪武四年給戶由軍民等項戶三萬九百八十五口一十五萬四千二百九十五口○洪武九年籍定軍民等戶軍兵戶二千三十五口一萬四千六百八十七匠戶一千六百一十六口九千八百五十七民戶二萬七千九百八十一口一十三萬六千一百一十三口三十八千九百八十一僧戶五十二口七十五道戶五口五其儒僧道差徭與民一體故并於民戶為戶三萬八千

二十七口一十三萬一百九十并軍兵與匠戶共計三萬一千六百九十八口一十五萬四千七百三十四○永樂十年戶三萬九千二百二十二口一十九萬三千九百七十五○成化九年戶三萬三千五百九十口一十七萬一千五百八十九口一十九萬五千五百八十九口一千五百一十一匠戶一千六十校尉力士戶四醫戶一捕戶四僧戶四十二道戶六官戶二寄莊戶三百九十七

物產

墨○蔡君謨云易水李庭珪磨墨至歙州以其地多松因留居以墨名家宋仁宗時其子庭珪以墨名其子曰新安香墨其後賜翰林

備墨之上者括來輕噴來磨磨來清惟休寧之墨為然故今代產墨之處雖多而休產獨名天下其製形猶多以龍為飾者

茶○元嘗立權茶提舉司于休寧當時人語云不產之地一例拏捕私家食用亦行禁治生民受害其忍言之則茶司之設可有也亦可無也其言如此

國朝知其害而革之第納茶課

紙○水南及虞芮良安和睦三鄉出

國初課有定額今買辦無時

杉○漆○桐油○徽人樹此為業凡江浙南畿之境油漆器皿屋料木植皆資于徽而休寧一縣多產于西北

鄉杉利尤大凡種以三十年為期斫而販之謂之杉羔

動以數十萬計

諸藥○凡蘭實芍藥兜絲麥門冬石香茅香附子車前
蒼耳羊蹄朮菜金罌旁皮五倍子桔梗紫胡白芨萱草
黃連黃精土芍葛蒲香薷香薷山凌宵烏藥地黃草烏苦
參天門冬前胡之屬

苧麻○休寧俗尚儉凡未及必緝麻織苧以為奩資
既杜而老皆不釋手姑婦之績共勤女紅比屋皆然

蕨粉○葛粉○荒年恃以濟飢

臘肉○洪潛夫云徽在萬山間夏五梅潦雖肴辛亦罕
入市家有餘者多於入臘前後宰豕肉貯甕中醃淹糟
沃近兩旬浹出而燎之乾畧帶濡置干閑屋當風處名
曰臘肉揚誠齋謝休寧金尚書惠臘肉詩云霜刀削一

黃水晶月斧斫出紅松明可以想其風味也

馬蹄鱉○牛尾狸○梅聖俞詩云吾鄉雖處遠佳味頗
相宜沙地馬蹄鱉雪天牛尾狸宋高宗嘗問欵味於學
士汪藻藻以此句對人多傳誦之

Blank page with vertical lines and a large watermark.

官蹟一

唐

通仕為休寧令舍人佐越國汪公華以安鄉邑宋

宋

順之字孝先原州臨涇人登進士第知休寧縣民有
豪橫者縣不能制歲租賦常不入適以訟逮捕不肯出
順之曰令不行何以為政命積薪環而焚之豪大駭少
長趨出叩頭伏辜歷官秘書丞天聖明道間屢上言
遷屯田真外郎

呂大防字晦仲京兆人治平三年以太常博士謫知縣

事先是大防為監察御史兼行與侍御史知雜呂誨侍
御史范純仁等以論濮議忤旨故有是命後拜相封
國公謚正愍

鞠嗣復宣和初知休寧縣方臘黨徒係次逼使降面斬
二使以怖之嗣復罵曰自古妖賊豈有久長者尔當去
逆從順因我而歸朝官爵尚可待何為脅我使降嗣復
知必死不少悔安言何不速殺我賊曰我縣人也明
宰邑有善政我不忍殺乃委之而去初嗣復聞難率吏
民修城立門眾樂赴功守備畧就朝廷知之加直秘閣
擢知睦州嘗為賊所傷自力渡江乞兵于宣撫使未至
而卒

勝仲字魯卿丹陽人太師以禮部員外郎議豐

黃真出知縣事勤恤民隱獎進士類識尚書金安節於
童幼使與諸子偕學勝仲後為國子祭酒謚文康
陳之茂字阜卿蘭陵人紹興中為休寧尉邑人爭從講
學乃相率出錢建邑校其羸買書千卷之茂日至學為
諸生講解其成就子弟多顯名為達官邑由此益多學
者自之茂發之又勸民甃縣市內外數里成而不擾乾
道中用張浚薦歷官吏部尚書
祝禹圭字汝玉信安人淳熙中知縣事為政清簡下民
安之嘗著東西銘解朱文公為作新安道院記
鄒補之衢州人任知縣嘗新學校及諸神祠修葺塘塢
為政清簡民懷愛之
任良弼嘉定中任知縣時臣僚奏乞下江東漕司問拯

辨之策良弼請於本縣折帛一項減三分之一又請公
積欠二十萬緡詔俱從之良弼以休寧諸鄉惟黎陽
最重請依和睦鄉則例蠲減民深德之

嘉泰端平甲申宰縣以廉平豈弟得民心辭任之日民
立像祠于芝山廟

趙師岩淳祐壬寅來治邑事為政嚴明公允民敬愛之
亦於綦寧之側立祠

元

趙象元程隆俱休寧人才識超異元平江南徽郡既下
鄰邑有持兵未下者將加屠戮象元與隆盡發私感冒
刃詣軍門請屠戮不行民以舍活行者承制以象元為
休寧丞隆為縣丞無不樂為之

陳發江西人元貞乙未單騎至邑勤政愛民十九都勸
率開方塢渠溉田數千頃於二都監督東干塢渠遠近
均利亦數千頃歲以大稔府檄召董永豐倉交糧先是
倉場多弊倖軍卒斗脚雜偷不一倉官阻滯民戶交米
憑由每有挾取陳至倉命左右執挺有偷米者必撻之
不少恕監量斛面必平允不許分毫增羨纔交米畢即
與憑由自晨至暮無倦六邑之民皆感之冬寒勤苦月
餘感微疾府尹憐之欲免其勞使還治邑陳答曰某還
邑其惠只及百里耳在此服勤其惠可及千里獨不足
以贊郡政乎上官深敬之任滿挑包而歸仍單騎也邑
民立碑頌德於臨溪汪王祠

實萬奴東阿人先尉昌化人已稱之再尉休寧強毅公

正能恤民隱時績溪有強寇休寧三都水南有十餘人
謀往入寇黨者事將發即擒捕解府誅之有譖於省平
章者曰休寧有寇至即欲起大軍勦蕩竇自詣軍前以
其家二十口為保省平章察其仁勇真確遂罷軍邑賴
以安歲大旱禱雨隨至民懷其惠立祠

唐棣字子華吳興人時承平久為政者習於貪鄙廢事
且稅又不均詭名應戶襍其間棣一覈而正之及重新
縣學等事臨川虞集廬陵范匯金華黃潛皆有文紀其
實棣以詩畫稱世號唐休寧

也仙脫因畏吾兒氏任本邑達魯花赤為政循良民去
思之翰林待制鄭玉記於石
八武麻夫里

平既久民不知兵為卒伍者有同兒戲浙西僉事哈納
忽納征復徽城八獨領所部由歙捷徑直要其衝匹馬
揮長刀突入大陣中前後殺傷不可勝計遂復休寧追
北至祁門黟縣總兵者就舉為休寧縣達魯花赤治民
以平易寬厚民大悅斬兵復由祁門猝至破休寧八走
收散卒大戰却之當路反媚其功以資格不當汰去八
慷慨有大畧不事邊幅民甚惜之後戰死宜興
江銓歙縣人至正壬辰斬黃兵犯徽駐休寧銓與兄日
新散財募兵得三千人禦却之以功授休寧簿日新授
祁門簿後斬兵復至皆死於官

楊翻字文舉上元人待制副中之子來主休寧簿積學
能文為政清簡秩滿去任人多思之有佩玉集行世

程文字以文婺源人博學有文天曆中以修經世大典成授黃竹嶺巡檢勤于其職累官禮部員外郎虞楊范揭皆重其人後以不屈節死于偽吳有蚊雷稿行世馬可道休寧縣尹也丁酉歲

國朝兵至欲禦則無兵欲避則失節乃携家求援鄰郡兵繼至不屈夫婦俱死特號雙節

國朝

徐弼字安鄉六安州人丁酉歲授縣丞時大兵甫定城邑居民散落弼從容為之招徠民居建立官署均平賦役民安事集嘗監造大海船既成阻於灘瀨不能出江民守之甚文弼親詣金華帥府遣人往視得實所取其釘而罷民免守船之苦又監立城柵限期甚嚴弼善

諭不施鞭朴民樂趨赴不日而成民歌頌之

錢仁友字德輔戊戌授縣丞勤勞安撫節儉清約如儒雅己亥歲大旱竭誠禱祈雨足歲豐辛丑有胡蝶大如紈扇飛止人家忽變恠鳥散集鄉村居民備香燭供養仁友親往視擊斃之且罪其為首者以喻衆恠遂息張起宗字漢臣廬州人辛丑授知縣文學雖不甚通而施設舉措多中理脩葺官署建造文廟大成殿及兩廡並繪聖賢像凡有徵賦呼集百姓諄諄曉諭明立限期不勞而事集嘗監修本府城垣躬操版築與民同甘苦日食粗糲身衣弊袍以清儉自守建言民兵萬戶府不便事

太祖高皇帝可其奏遣使加勞賜衣三襲甲辰九月卒

於官民甚慕之

朱珎字仲理號理齋儀真人元末從父遊宦九江甲辰授知縣有政績建休寧四門洪武元年終于任子家焉

何燭字仲明鄂州蒲坂人甲辰授主簿維時徵賦差役限期逼切稍有稽緩即受上官督責未嘗遷怒於民董辦木植監築城墻雖祁寒暑雨不憚劬勞蔬食弊衣疾言遽色有長者風三載考績復職後以公事連坐歸民思慕至於涕泣

杜貫道山陰人洪武初除知縣疎通乾濟兼有文學門樓館驛廨舍悉皆鞠置去任邑人懷之

周德成雷州人洪武十八年授知縣廉能公正吏

之旌表貞節以勵風俗廳事後堂扁曰正己凡有不便密緘

上聞皆可其奏兩次因事連坐者民范續卿詣

闕以陳得請而回卒于官邑人朱崐獻地以葬學士劉三吾銘其墓

劉紹先衡山人有學術尚清介洪武甲戌由胄監授知縣勤心蒞事賦均訟平丁丑以事連坐者民孫子任詣闕陳懇復職丁內艱吏民惜之服闋陞宿州知州秩滿擢刑部郎中

甘鏞字以聲湘陰人洪武二十三年以秀才舉除縣丞廉潔自持公勤政事秩滿赴京陞廣東道御史

王稚金華義烏人忠文公禕之孫正統中以太學生授

休寧縣丞宗儒愛民綽有政績陞四川石泉知縣

休寧志卷三

宦蹟二

休寧縣官題名

休寧知縣題名碑

休寧為治十一鄉戶幾二萬夏秋稅租所入錢以緡米以斛總六萬三千五百其壯甲於新安而陋則反甚於他邑嘗求其故蓋入之情以先入者為主先入者不善則以不善待其餘新安六邑不幸俱蒙湯鼎之目休寧特為最柔之地來者得於聲之先入往往局趣視一切為探湯其或當為而不敢可為而未暇因陋就簡固宜矣而泉名貪泉謂飲者得懷無厭之欲夫一盃之水豈能移人如是之速亦由其聲之不善也刺史吳隱之過之酌而飲之自若獨

賦夷齊之句以見志然則人必自信而後能勝其先入者
歟邢侯國之懿親嘗為淮東總領所主管王人之屬視諸
司資滿則稍遷侯自以不親民爵里無可觀銳然調休寧
或告以難治如先聲之所聞者曰天下固有不可為之邑
耶果沸也吾將止之尔其自信益如此下車未幾獄訟則
得其情而爭者易息催科則准其時而輸者不勞束黠吏
以明而莫敢舞文示里胥以信而茂得追獲左規右矩而
行之益勤歲屬荐登事亦浸簡始於暇日念邑之簡陋弗
稱者欲稍稍更張之因謂同僚曰邑難其人異時葛勝仲
治稱第一來者可矜式乃不載之版籍蕪沒亡可致信休
寧之陋矣哉遂訪之遺民老吏自文康公而下共約相
示幾人始刻諸石以傳永久予謂侯之自信至是而後效也

然不特此縣樓之歎也弗支亡以重觀瞻縣廩之朽仆
弗全亡以備貯積關柝亡以譏出入橋梁亡以濟來往
侯既次第新之矣休寧之陋豈不特然閔偉一旦為六
邑之勝也耶斷石佳山水文康葛公嘗所遊憇邑人愛
思甚於甘棠邢侯併將復真意之亭以慰其思大抵侯
之所為多因人之所欲而費且未嘗及民故人樂而安
之則前所謂最柔而難治予不知其由也昔筠州在江
西與廬陵諸郡並名珥筆之民雖有辯者莫能解免自
黃太史表其俗之可悅遂得專江西熈至今爭誦其賦
以鼓舞其國風自此來者幸毋以探湯視茲邑而盡心
焉其庶幾道院之可樂云淳熙十二年三月望日記修
職郎縣尉巡捉私茶鹽礬兼推綱括蒼詹岩監迪功郎

主簿括蒼何潤題額從仕郎縣丞宛陵譚次山撰并書
承議郎知縣主管勸農營田公事越國邢鉞立石

葛勝仲字魯卿大觀三年鍾祖猷重和元年

翁由重和二年宣和二年

黃瑜宣和四年章元振字時舉宣和八年

吳師尹字聖任建炎三年

郭嗣先字茂功紹興元年都相之紹興四年

馬昌義字義臣紹興七年王适字子尚紹興十年

席畸字仲紹興十三年蔡從字國老紹興十六年

郭榮字仲忱紹興十九年吳敦仁字元善紹興廿三年

李邦孚字叔瞻紹興廿七年

王元壽字仁仲紹興三十年

趙公彬字彥質紹興三十二年

邵峙字時之乾道元年七月

葉疇字道三尋醫周垆字秀野乾道四年七月

章鏐字子清乾道六年南岳

胡大中字熙元十年趙子覲字夢得淳熙元年

陳球字天瑞淳熙二年周沃字熙三二月

劉庚字汝清淳熙六年邢鉞字德威淳熙十年

祝禹圭字汝玉淳熙十三年

慕容縱字公度淳熙

鄒補之謝邦憲

綦松字子清慶元三年

柳大韶字仲成慶元六年四月

張抃 字仲山嘉泰三年七月到開禧

王孝適 字子駿開禧三年二月十一

趙奇夫 嘉定三年五月到嘉定四年六月

王東 嘉定七年八月到嘉定十年

吳堪 嘉定十五年滿

任良弼 嘉定十五年四月到嘉定元年六月

趙璩夫 紹定元年七月到紹定四年

鄭穎 大慶元年八月到紹定四年

張公亮 紹定六年八月到嘉熙元年七月滿

方述祖 字述之嘉熙元年七月到

吳遠 字至道嘉熙元年七月到

詹文杓 朱夢旂

趙良衡

休寧縣尉廳壁記

尉掌武官也自上安下曰尉故武官咸以為名許慎說文謂尉畏也亦尉也故字從尸從示從寸寸者量禮度以敬上示者陳教令以諭下尸者典職司以居位秦漢之制國有太尉郡縣亦皆有尉太尉之職於今為樞密與宰相分職而治號二府郡尉今別乘惟縣尉位在丞簿下凡縣之盜攘聞毆賊殺道路郵置冠蓋徃來窮山峻谷平原曠野蹊隧阡陌此疆彼界交錯分爭州縣之所不能決與凡令丞之所不屑為者率以諉尉尉之為職甚卑而其責甚重然常以文臣初入仕者為之凡文

臣初入仕非進士擢第則士大夫之子弟以文臣治武
事居甚卑之位任甚重之責而屬之不習吏事之書生
與不知稼穡艱難之任子故今之為尉而以能稱者常
少新安今輔郡休寧劇邑其為尉而以能稱者往往而
有然廳壁故無記前人姓名字更代歲月有司之籍
無傳老吏遺氓亦莫有能言者尉金華吳君始孜孜訪
求自尚書陳公而下得十有八人將刻之石而求記於
儼儼嘗病今之君子勇於求進而怠於從事工於治私
而苟於居官吳君承前政數易廢弛之餘卒徒散亡器
甲蠹敝頽垣敗屋不庇風雨君至之期年鳩集葺治整
整有序又能以其餘力及前人之所未嘗為其不苟於
居官乃如此尚書陳公為尉時新學校以教民起廢陂

以利之夷塗潦抑豪右以安其所甚病凡邑之為
者皆以公為師其流風遺愛至今不泯其後入為從官
出殿方面所以自立於世者亦自不朽其更代歲月與
夫後人之迹自是皆有考焉其善而顯者可法其不善
若無稱焉者可監詩不云乎執柯伐柯其則不遠吾子
其益勉焉邑人吳儼記

休寧主簿題名記

休寧在新安為縣其地賦廣袤寡多幾與歙亢版圖入
國朝職方以來凡官是縣者通長貳殆將百人或去而
通顯者有之矣而題名之石闕焉遂莫得而稽也至正
六年春予始備員主簿因喟然曰主簿之為秩雖微其
可忽哉今休寧主簿員自元興與監縣若令或弗著名

于石豈昔之未為是官者因仍循習思有不及與或惟
務盡心職事他莫之恤故無事於此與夫因其名而後
可以考見其行事名之不傳則雖其行事有卓卓可稱
予懼其久而湮泯也乃命伐石樹之縣治使繼自今來
為主簿者刻名其上蓋主簿為縣佐位甚下不得與監
縣若令等使其名幸不沒則其可稱者庶與之而俱存
或去而一日登革要者勲庸人必指而言曰是嘗淹卹
于此矣今乃爾乎民於是將相率而不敢慢民不敢慢
則居是官者益有以為勸而不弛焉爾故大刻其石之
額曰主簿題名自予始始於予也進義副尉徽州路休
寧縣主簿上元楊翻撰

按休寧自宋元以來題名碑三其一知縣題名尚

存其二尉與主簿題名不復存矣自

國朝天順以前典籍亡失亦無可考今自成化元年
以後書之仍以年月為次

休寧續知縣題名記

歐陽旦

國朝以進士出知州縣自成化丙戌科始著為例蓋今
皇上初登大寶軫念黎元之盛心夫縣令七品官耳舉
一邑之民授之于令官雖卑其任亦重矣且嘗讀柳
子厚作橐駝傳論種樹而得治人之道善哉言乎何則
操於上者要而不煩則撫於下者簡而易治矧今天下
承平百有餘年

祖宗之法度盡善盡美士農工商有定業尊卑貴賤有
定分徭役賦斂有定制善惡賞罰有定律四方之民父

授而子傳家喻而戶曉休寧又近在王畿之內得教化之先者雖其風聲氣習好剗尚闢西北之民多朴野東南之民多智巧而其尚勤儉務耕商聞善則樂道見不義則羞為此又一邑之通俗也然則治是邑者循其已然之故因其自然之勢高者抑之下者舉之邪者正之枉者直之隨其偏而救其弊耳不然朝出一令以養民暮出一令以教民古之法必欲以行於今彼之俗必欲以同於此民將奔走其令之不暇矣又何暇於養且教乎且縣令之與宰相尊卑勢位天淵懸絕昔人以縣令之任與宰相均誠以百司庶府各有所司惟宰相所以治天下之民縣令所以治一邑之民分雖不同其理則一古之善相天下者莫過於周公周公語治民之道則

曰平易近民民必歸之王安石以周公自期遭際神信任之專乃以宋之法度不足為改弦易轍更張百度當時之天下何如蓋天下之法未有其利而無其害者與其立一法之有害孰若省一事之為便且以成化辛丑冬承乏休寧德薄才淺無能為者率此道以行之蓋五年于今矣故事縣官有廳壁之記亦有刻諸版與石者所以示久遠而垂勸戒也休寧自宋以來僅一見於淳熙十二年立石者邢德名者五十五人以後俱為缺典故自成化以前俱無可考予因政事之暇舉所知者并述所以治邑之道命刻石虛其左方以待來者嗚呼民至愚而神是非好惡靡不明且公也刻此名者與此石相為悠久可不懼哉

丙午八月一日

陳寓字時安寧 成化六年十二月到

俞深字潛之新昌人 乙未進士 成化十一年十一月

歐陽旦字子相安福人 辛丑進士 成化十七年十二月

張錚字定州人 文水縣人 治四年七月進士 成

高字 治四年十月

休寧縣縣丞主簿續題名

縣丞李勝永寧縣人 監生成

縣丞李瓌安福縣人 經明行備

主簿夏文義南城縣人 承差成

縣丞張壽捷為縣人 監生成

主簿趙俊平近縣人 監生成

縣丞弭廣歷城縣人 監生成

主簿張鑑武城縣人 監生成

主簿孫隆諸城縣人 監生成

縣丞王琛濟源縣人 監生成

主簿莫廷選宜山縣人 監生成

縣丞李浩崇邑縣人 監生成

主簿李文淵新安官生

主簿王嘉興

主簿王...

主簿...

主簿...

主簿...

主簿...

主簿...

主簿...

主簿...

主簿...

休寧縣典史續題名

常輔崇元年邑縣人二月成化

梅鼎內江縣人六月成化

聶亮泰寧縣人六月成化

王瑄武定州人八月成化

吳環富陽縣人八月成化

休寧學官題名

元朝教諭題名

金遵義

金亨雷

吳寶龍

胡桂發

汪明叔

江應求

鄭一龍

項應標

朱燾

查慶逢

汪一麟

樓崇錫

王夢雷

吳一飛

蹇叔潛

趙彌忠

余泰符

汪仕遜

張有定

徐琥

按休寧學官宋無題名惟元人可見者如右自國朝天順以前亦無可考今自成化元年以後書之

續題名

訓導蕭謙

江西南豐縣人監生
成化元年八月任

教諭鄭庸

浙江桐廬縣人監生
成化二年十二月任

訓導蕭彪

江西永豐縣人儒士
成化五年六月任

教諭龐克誠四川人舉人

訓導劉修江西安福縣人監生

訓導陳泰浙江定海縣人舉人

教諭王原雍福建莆田縣人舉人

訓導章泓浙江安吉縣人舉人

教諭楊元福建莆田縣人舉人

訓導許璉雲南府昆明縣人舉人

訓導黃倫浙江黃岩縣人監生成

教諭劉孟純廣東南海縣人舉人

教諭沈昂浙江秀水縣人監生

休寧志卷三

休寧志卷四

古蹟

休陽縣吳治在靈巖山山在縣西

新安郡隋治在萬安山山下兩村名上舊市下

附郭

黎陽縣晉治在黎陽鄉

寧國等路推茶提舉司治在縣治縣前正街

萬戶府元至正末置于休寧見朱升記

良安驛在城內縣街之西舊名萬歲驛

五畝驛在縣南二十五里

皇華驛在縣南二十九里舊名憇賢驛

酒稅務在西南隅

藍渡務在藍渡溪東

江潭務在河村溪口

五城務在龍干溪口

臨溪務在臨溪村心

南五嶺巡檢司在二十九都五城

白際嶺巡檢司在一九都臨溪村心自推茶司以下皆

元置今裁革

率嶺寨在縣東北天寶岩

白際寨在縣東南方山

塔嶺寨在縣西婺源界

馬金寨在縣南吳田嶺上

松陽寨舊在縣西南溪口以上五寨皆宋置今廢

石羊干在縣東數步世傳吳太子葬東山今不知所

在惟兩石羊夾道有翁仲石碇存

程忠壯公遺址在縣東南五十里黃墩湖濱世傳忠壯

所居為水匯近及千年礫石宛然列於湖濱洪濤不飄

沙石不漲為一方勝蹟

五城村古有二大墳昔人有發之者鐵棺厚二尺纔破

則雷雨晦冥人憇乃止

出寰宇志

斷石村在縣西三里舊名吳口村西南有石壁下臨深

溪祥符經云昔兩舟泊此潭一祭一否夜半有神人徒

祭者舟于北岸有石五丈自壁墜碎其一舟其墜處今

為石室可遊憩又名落石臺

星洲在縣西三十里世傳有星落洲上化為石因名

海棠洞在縣南五十里萬松山麓宋內翰程秘或海棠
結洞花時如錦帳遊宴其中今廢遺址存

祠廟

三皇廟在縣治東醫學司直郎汪獻記

世忠行祠祀梁將軍程忠壯公靈洗正廟在歙之黃墩
宋賜額世忠其後遠者不便香火各邑俱立行祠在休
寧凡五一在以口幹龍山元泰定中建江山尹程郇記
成化戊戌重建一在古城一在山斗景泰中建一在率
口正統十二年建一在臨溪

太母廟在黃石祀程忠壯公母夫人胡氏

忠烈行祠祀唐越國汪公華正廟在歙之烏聊山宋賜
額忠烈其後遠者不便香火各邑俱立行祠在休寧凡

四一在東山宋紹興中建尚書金安節記一在古城淳

熙中建縣令鄒補之記一在汪溪元至大中建前進士
曹涇記一在以口烏龍山

唐吳都將廟在五城倒馬墩

東岳廟在縣東南山元大德三年建弘齋曹涇記

杜副帥祠在縣西關

高副帥祠在縣南關二祠莫知所從起相傳為唐宰相
杜黃裳大將高崇文香火最盛

芝山廟在縣東祀五顯

鬲山陳府君廟在藤溪祀唐陳禧禧當僖宗時自桐廬
避亂徙家于此鄉稱善人沒葬鬲山一鄉之人神之相
與立祠墓傍

二程夫子祠在縣學東元泰定中胡雲峯作記伊川子孫從南渡居休寧者又并南宋錄用伊川子孫勅牒刻石久廢成化十九年族孫敏政復言于提學侍御姜謙許修復之知縣歐陽旦力任其事遂為專祠以祀二程夫子又為遺愛堂以祀名宦為企德堂以祀鄉賢援例上聞得列祀典名宦祀宋丞相前知休寧縣藍田呂正愍公大防國子祭酒前知休寧縣丹陽葛文康公勝仲直秘閣前知休寧縣鞠嗣復吏部尚書前休寧尉蘭陵陳之茂休寧令三衢鄒補之信安祝禹圭元通州判官前知休寧縣陳宜孫縣丞趙象元縣尉程隆休寧尹吳興唐棟定西馬可道監縣八忒麻失里 國朝休寧丞六安徐弼休寧知縣廬州張起宗山陰杜貫道東廣

德成共十五人鄉賢祀唐御史中丞歙州都知公為仁德灑宋龍圖閣待制查道尚書屯田郎中曹知龍圖待制贈少師洪中孚南京留守贈徽猷閣待制凌唐休吏部尚書贈少保金忠肅公安節龍圖閣學士贈少師程文簡公大昌廣南西路安撫吳文肅公倣樞密贈資政殿大學士程正惠公卓柳塘先生汪莘端明殿學士贈少師程秘工部侍郎贈宣奉大夫朱晞顏勿齋先生程若庸定字先生陳標道川先生仇士毅建德路判官兼義兵萬戶吳訥 國朝定侯程忠愍公國勝東山先生趙汝翰林侍講字士朱升兵部尚書贈太子保程襄毅公信共二十人 江先生祠在錦堂山先生諱慶嘗受學安定胡公歸

此山如凌待制唐佐金尚書安節皆其高第太守洪之
即其山建菴以祠之

朱文公祠在縣學里人朱震雷建

程端明祠在縣學祀宋端明殿學士程秘縣令趙師若

祀令併祀鄉賢堂

稍雲祠在稍雲山

陽山主簿廟世傳宋初以是山有異遂立主簿者解

釘來鎮歿于山下遂為神村民祠之

定宇先生祠在陳村祀元儒陳櫟處此為三十八

年三子御史陳叔紹及太守亦過役之亦泰三年

卷之二

卷之二

龍王廟在謁潭

程襄毅公祠堂在南山菴成化十六年奉勅建

休寧志卷五

寺院

普滿禪寺在忠孝鄉舊名報國禪院唐咸通六年建宋
太中祥符元年勅改今名元至正壬午僧淨能號起南
番易人戒行精嚴來主是寺悉一新之學士虞集為記
壬辰兵燬洪武三年僧永壽重建殿宇鍾樓洪武十五
年開設僧會司凡習儀必於是焉洪武三十年燬惟鍾
樓天王殿存三十一年住持僧昭回與其徒智曉惟亭
重建復葺南偏舊池構亭憇息繼其席者以寧隱峯以
山門入徑徧隘特改創之揭額曰大雲山門內鑿池架
橋即景命題有八曰大雲山古柏洞浣月池渡雲橋寶
珠林玉帶泉覺音樓善法堂

建初寺在忠孝鄉舊名崇法寺唐咸通九年建宋開寶九年勅賜今名元至正壬辰兵燬洪武三年庚戌僧善述如祇重建戊午僧福鎮捐衣鉢復建千佛樓于寺之後永樂乙未其徒永萌重修廊廡塑卧佛普陀幻像視舊益加宏麗玉几紋溪在前松蘿天葆擁後桂柏森茂境界清幽府知事徐俊書東南山三字揭諸三門之外今為叢林

竺梵堂在縣東百餘步臨街建茶亭

廣慧堂在縣東三百步接官亭後路總管書額

陽山院在一都陽村唐天祐七年建

靈山堂在縣西五里吳永亨叔庚捨地汪普昭建堂吳榮甫捨良庭奉陶淵明祠

歸一堂在鳳山頂胡道真建堂楊世榮建華嚴閣

萬壽堂在縣城南奉廬山教有陶靖節祠水旱疾疫禱皆應

永慶寺在二都宋嘉定三年建舊名如存庵

慈氏院在二都水橋元至正二十六年建在程氏祖塋之右

普滿塔庵在三都松蘿山頂元至順三年建

松蘿庵在三都宋淳祐五年建

南山庵在三都水南晉泰興二年僧天然建宋淳熙中僧空公重建景泰中僧誠閏募衆復作為一鄉祈禱之地其庵中奉佛左祠漢壽亭侯右祠唐張睢陽程氏舊嘗捐地于庵東成化初作襄毅公祠

萬安寺舊名燒香院在三都長汀里唐咸通十四年建
慶明堂在縣東十三里至元甲申僧妙玘建

興福堂在四都金普成建

脩善寺在四都

翠微寺在四都

仁王院在五都安樂鄉有西峯大士祠元於祁門請舍利
來塑像檮雨有驗汪一麟兩捧檄請雨立應今為叢林
英山庵在五都宋嘉定二年建

吳山院在五都龍源唐天祐七年建

心田堂在縣北五里經二百餘年祈求有驗大德初里
人張友成募緣建

黃崗寺在六都

金龍庵在六都唐太中五年建庵後有玉宸山僧紹堅
重葺

善慶堂在縣西六十里楓林戴覺軒同男覺茂勸緣建
奉大聖祈雨

感應堂在八都金剛山

寶華寺在十一都

石橋院在十二都履仁鄉太平里唐元和五年建先是
刺史韋綬夢僧來謁曰能相記否綬不省僧言昔與公
同修證今為二千石遽忘我耶綬問所居曰在公部下
休寧之石橋岩旦問左右無知者索圖經閱之岩在縣
西六十里有石室講堂佛像遺視信然乃建精舍會僧
元立以遊方來問所須願住此岩是為開山祖

密多院在履仁鄉唐乾符元年建

普明堂在縣東二十里引充本路張治中書額奉普照
大士里人汪普瑞普勝建

仁壽尼寺在十四都黎陽鄉

新屯寺在黎陽鄉合陽里新溪之上唐貞觀十年僧法
本開基後因溪潦侵齧元至正庚寅僧秀芳徙於雲蓋
山洪武丁卯僧思發建三門內外完整永樂甲申僧惠
規復加修葺外建山亭揭凝碧二字僧志遠重建鐘樓
普慧堂在十七都易村本路劉總管書額金道祥吳普
通募緣建

易山庵舊名孔雀庵在十七都唐貞觀十七年建洪武
初僧善述與其徒永堅重創

千秋庵在十八都隆阜唐咸通二年建

靈應庵在十八都

方興寺在十九都和睦鄉方溪里唐貞觀十三年建于
孫祁龍紀元年為水所蕩成通十四年徙今地宋淳熙
丁酉經燬嘉定間僧末慶重建翰林學士程秘記端平
元年勅為叢林洪武甲寅僧景輝增其舊規天順辛巳
厄于火癸未嗣僧普雲重建

正覺堂在十九都

等慈庵在二十都黃源宋淳祐間建元僧碧庵買田入
常住延祐元年燬重構進士陳櫟記

覺慈庵在二十都漢口宋淳祐中建祀少師程秘
明心堂在二十都漢川程操之舒普慶募緣建

玉樞庵在二十都汪潭程琬建祀父少傅公文夷
富昨寺在二十一都宣和間燬于方臘之寇紹興七年
旱里人禱遺址得雨而稔里人汪漸重建漸之諸孫又
施田度僧

齊祈寺在二十一都太清里唐會昌中建宋慶元乙卯
僧淨曇遷于夾山西廡有率口程氏祠

審坑庵在縣東南四十里舊名天王堂宋淳祐四年建
大佛殿鍾樓華嚴閣又東偏禱堂奉孫吳二家神主元
主簿曹涇為記

龍宮寺在二十三都唐天祐二年建

星洲寺在二十四都嘉善鄉唐咸通中建
孚潭庵在二十四都

施水庵在二十四都宋淳祐二年建

寶林祠在二十四都唐咸通三年建

錦堂庵在二十四都宋紹興元年建

瑤溪庵在二十四都

嘉祥寺舊在忠孝鄉宣化里唐光化二年建宋乾道中
程文簡公大昌徙邑南二十里雲峯山

西湧庵在二十五都

福聚庵在二十六都

全真庵在二十六都元至正五年建

月溪寺在二十七都唐開元間建元初僧淨因竭力營
剏殿樓堂閣內外一新置田園以裕常住有芝產僧堂
畢宰祈鳳為記

著先庵在二十七都

雙門寺在二十八都去五城鎮十里許窮山幽谷間兩崖壁立礮水中流故曰雙門唐咸通二年有異僧來此建庵元至順二年徙于衡溪壬辰兵燬癸卯僧壽南重建

三寶庵在二十八都唐貞觀三年建

全嶺庵在二十九都

雲溪寺在三十都

廣福寺在三十一都

礮口寺在三十一都宋淳祐三年建

海雲庵在三十二都

龍潭庵在三十二都

普照寺在三十三都宋紹興二年建

圓通庵在三十三都

竹溪庵在三十三都

宮觀

崇壽觀舊名白鶴觀在縣西三里許宋大觀元年閩士邵奉應舉都下夜夢一道士謂曰公將宰休寧但求一棲息所明日觀榜果若其言到任訪諸父老無有識者乃謁道觀已為丘墟獨觀一石人瓦覆其頂熟視如夢所見因感前事遂徙縣東南之葆真山更名崇壽後邑令黃維申請勅賜今額遂祀石真人為開山祖虛靖真人張繼先為記至正壬辰兵燬洪武十五年設道會司葉積善主領教事永樂丁亥邑令舒友常勸邑人汪仲

倫金孟起等建三清殿玉皇殿山門兩廊法堂宣德丁未徐士坡建三門癸丑道士陳思正建佑聖閣繼後劉景文正統壬戌建祖師堂乙丑邑宰虞安命葉景暉重修己巳道士巴道先建園堂景泰庚午余道玄建齋廳成化丁酉嗣真人張玄慶為記

齊雲觀在縣西四十里

雙清道院在縣南楓林園吳判府存遠營壽藏建燬于兵曾孫仁重建汪克寬記

著存觀在縣西五十里履仁鄉進士程純祖為記

常清宮在縣西七十里江潭宋淳祐間賜額

南山道院在縣南會里元程天經奉祖母廬墓人稱曰孝隱

鎮市

五城鎮在縣南五十里接婺源五嶺

萬安街在縣東五里

屯溪街在縣東南三十里

臨溪街在縣南三十里

塘場池井

陳公場在縣東十二里宋熙寧間知縣陳時所開因名焉縣尉杜昱記灌田一千頃

朱塘在縣東十六都

千秋場在縣東南千秋潭

流塘在縣東南十七都

東干場在縣西二都知縣陳發開渠灌田千頃

古塘在縣西

臨塘在縣西南星洲

林塘在縣南十七都

泰塘在縣南二十一都

鴈塘在縣南二十二都

方干塌在縣南臨溪元貞乙未知縣陳發重開民立碑

于臨溪汪王祠灌田六百餘畝

清漪塌在縣南龍灣之上

禹門塌在縣南博村

清陂在五城溉田千畝久廢宋黃太丞何率里人築之

九龍池在後街舊有九今存者五世傳何國師鑿以鎮火

齊程二塘在縣東南充山里人汪世寧率眾改築

印池在縣治東國師何令通鑿

藕華池在縣北街

七星井在南街縣前雙井其輔也唐末國師何令通所

鑿以鎮火

上井在縣南三十里夏旱汲不竭可灌田百餘畝

橋梁

化生橋在畫錦坊南舊有溪橋今王家巷口是其處世

傳昔人於此放生故名近有穿井者見鐵鬼猶存鎮龍

之具也

惠政橋在縣西門外宋淳熙間縣令邢鉞命僧紹燈造

洪武六年知縣杜貫道更名德澤二十一年里人程德

成加覆以屋

內翰橋在縣西二里宋寶慶丁亥內相程玘建疊石為堦屋二十楹玘姪若疇記景定間西岸洪水衝激壬辰兵燬洪武二十六年里人蘇伯遠重建橋上架樓奉觀音像

夾溪橋在縣西與內翰橋相接

東亭橋在縣西四十里

藍渡橋在縣西十五里

渭橋在縣西吉陽鄉

余川橋在縣東五里宣德八年里人余海求卷石重建南山橋在縣東五里程氏建官設橋夫二名萬安橋在縣東六里上有東平祠真君祠張仙祠社祠雲溪橋在縣東四十里十六都坑口

屯溪橋在縣東南三十五里

相公橋在縣東南五十里篁墩程靈洗所居處吳文肅公記淳熙七年程仔建

濟川橋在縣南門外一里許夏紋溪架木為梁梅濂以舟濟南岸有亭依山臨水可憑虛望遠松蘿諸山宛在目前扁曰佳興旁有觀音閣暑月施湯茗

西山橋在縣東長汀後

水星橋在縣南二十里西干許應祥建

巴陵橋在縣南二十里西干一水三橋宋登仕許應祥編木為梁大德癸卯其孫許道山率化捲石響山湖橋在縣南三十里里人吳覺龍化緣建築沙塔二十五丈建佛堂於村心立茶亭於湖口

王孫橋在縣南三十里會里宋程子明於里中建義學
扁曰俊游生徒病涉始架木為橋覆以瓦屋子明之孫
尚書文簡公大昌於橋亭建神祠曾孫樞密正惠公卓
刻石記之咸淳間橋屋俱弊德祐末水激岸圯文簡公
之裔孫說舟一夕夢文簡公呼曰吾宗與橋相為廢興
汝能紹而祖盍成新橋越日果有宋普道者來告願募
緣建橋說舟回感昔夢首捐財主議命工捲石

閔口橋在縣南三十五里里人邵永成架木梁洪武初
里人汪蔭募緣於深淵中疊石為梁十一所架木為橋
後圯于水

小溪橋在縣南三十五里

雙溪橋在縣南四十里

清漪橋在縣南四十五里五城所經古無橋以舟濟後
里人程敬立木為座聯木為版而成復言於官委細戶
任維架之事

清溪橋在縣南六十里山斗架木為梁本里程孟思建

沐寧志卷六

宮室

江王故宮在萬安山今為古城寺

勅書樓在縣治前

新安道院在縣治東偏宋宰祝汝玉建朱文公記

敬簡堂在縣廳中庭後

忠恕堂在縣廳後

霞天秋水閣在縣治東

秋水亭在縣治東偏自勅書樓以下今皆廢

安樂堂在縣治西今為吏舍

進思堂在榷茶提舉司廳事後李祁記

太平樓在良安驛南垣外

覽輝堂在鳳湖街舊縣治

真意亭在斷石一縣佳勝之處宋宰葛勝仲建邢鉞重修

得月閣在白鶴溪自進思以下今皆廢

雙應堂在東南隅夏休建凌唐佐記休孝子也

種德堂在石田汪及之建汪藻記

棟華堂在上山吳俯及弟文肅公微建兩人以經學名四方從遊者常數百人因扁其堂如方恬汪義端皆嘗受業

竹洲吳氏園亭吳文肅公建有流憩亭淨香亭仁壽堂靜觀齋直節菴梅隱菴邀觀亭風雲亭文肅公自記又有朝爽亭

希賢堂在鳳山汪清之建呂午記

隱微齋在浯田吳瑩父建吳微記

萬卷堂在汜口程端明秘建

芝室在江潭宋監察御史無崇政殿說書吳輔建輔致

仁歸所居產芝三秀九莖故名輔又有荆山別墅

首村朱氏園亭朱惠州權建有芳洲景星樓濯纓亭拂

雲亭皆歸休遊樂之所

林泉風月亭在富溪中書舍人程驤建洪潛夫記

全歸庵在上山吳資深建方回記

東野山房在大東汪正卿建方回記

秋吟亭在藏溪宣城尹汪若楫建若楫以詩名

黃源吳氏園亭宋教授吳欽宋亡隱居不仕建此自娛

有延桂樓臨清橋花園觀化亭

一經堂在瑞溪金桐岡建胡一桂記

勤有樓在藤溪陳伯勤建陳櫟記

朝陽樓在瑞溪總管金子西建陳櫟記

醉經堂會里程天經建又有著存堂棟輝堂環翠軒聽

雪軒石室空翠成趣園詳見寺隱記

秋江釣月樓在嶺南黃一清建又有耕釣山房招隱山

房及嶺南十景多名人題詠

龍源趙氏園亭趙弥志建有雲屋省心亭翠侍亭間道

亭有有堂多名公題詠

率濱亭在率口程居仁建宋本記

尚友齋俞鏞建楊翹記

月潭朱氏園亭朱伯初建有石門臨清閣觀瀾亭釣亭

舟平林小隱趙訪記又有橋隱堂

溪山真趣軒在水南呂盤建舒頤記

悠然閣在隆昇戴廷芳建

心亭在縣南陪郭程峴建為墓祀之朱升記

吳田吳氏園亭吳伯岡建有安樂宮之亭野色

亭略約橋獅子泉呂旭有詩

願靜閣在博村范元奕建金洙記

方山樓在率東程國英建朱升記

卧雪齋在五城李本立建金彥瑾記

共學齋在東山趙訪記

舉德堂在汉口程周卿建眉山程郇記孫子高更名舉

德名公多紀述玄孫安重創

水南山房任用和建汪仲魯記

松蘿山房金孟章建貢尚書師泰記汪思恭居縣北松

蘿門下亦有松蘿書屋

梅花初月樓朱學士升建升歸老

太祖皇帝親書此四字以賜

孝思亭在黃源吳純中建汪仲魯記

思本閣在草市程仁叟建林思和記

萬松書隱江彥銘建胡隆成記

玩雲樓在汜口程彥章建曾孫泰亨重修鮑寧記

擁翠樓在西門汪泰瞻建解縉記

康寧窩程襄毅公建公

有疾

勅書有勉進藥食用臻康寧之語故名

相湖嶺亭舊在雷溪口成化壬寅孫氏重修

去思亭在迎春門外芝山廟對鄉民汪尹祥金宗敬汪

忠正汪廷俊邵大倫金廷理等為知縣陳寓立

德政亭在接官亭南廟嶺倉對鄉民金萬輝汪友義王

希同吳以隆程思正王春茂等為知縣俞深立

遺愛亭在縣東一里許地名董干嶺俗呼為白水塘邑

民汪彥從金希傑蘇文章吳顯陳尚佐蘇文玘等為知

縣歐陽旦立

治績亭在縣前鼓樓東土地神祠之前鄉民金希傑王

希同蘇文章閔養清汪友義蘇文玘金萬全朱彥榮程

彥英程惟實等為知縣張錞立

墳墓

吳王墓在縣廳石臺下世傳何令通行縣治欲徙之感
而止

孫王墓在十六都率東孫王山山上有廟墓在廟後

唐程領軍南節墓在縣東南壩裏

程若將統墓在臨溪東密岩下

程都使淮墓在二十都漢口元坑淮弟若將統墓在
呈山于圓墩上

南唐查尚書文徽墓在五都黃江

宋蘇太守壽墓在二十四都隱塘

查職方拱之墓在縣北街

石櫛程府君墓在縣南會里府君文簡公大昌曾祖也

洪少師中孚墓在黃石

凌待制唐佐墓在縣南班政門外西園

金忠肅公墓在縣東葆真山

程團練全墓在禾斜碌礮塢

汪柳塘先生墓在縣西石叶

金野仙墓在陽山

程正惠公祖母夫人墓在二十五都

朱侍郎晞顏墓在縣南楓林園

黃寺丞何墓在二十都漢口

朱惠州權墓在首村西山

程端明瑛墓在二十都萬松山山下有祠

金直閣文剛墓在陽村

朱制參惟肖墓在北門葉家巷

程玉符沫墓在二十四都高塌沫在宋末以節死

陳弗齋先生墓在二十五都會里善慶源

元陳定宇先生墓在陳村

倪道川先生墓在休寧赤丘後門人改葬黟南黃坑

鄭師山先生墓在二十九都廟嶺師山名玉歛人事見

元史忠義傳

汪稱隱墓在縣南武林源

國朝朱學士升墓在漢口後改葬詹田

趙東山先生墓在八都漁坑

周知縣德成墓在縣南德成為令有遺愛邑民朱崑等

獻地留葬事見學士劉三吾所撰誌銘

程襄毅公墓在三都水南南山堂有祠

休寧志卷七

書目一

周易解義南京留守贈徽猷閣待制凌唐佐撰陳氏曰此書簡潔善解析文義有所發明十卷宋人

周易集解六同上

周易解敷文閣學士贈少保金忠肅公安節撰

易原龍圖閣學士贈少師程文簡公大昌撰陳氏曰此書首論天地五十有五之數參之河圖洛書大衍之異同往往斷以已見出先儒之表卷十

易老通言同上朱子答書云病中得窺此書之秘有以見

立言之旨深遠奧博非先儒思慮所及卷十

尚書譜同上陳氏曰本以解經而不盡解有所發明則篇

此書... 卷七... 書目一... 周易解義... 周易集解... 周易解敷... 易原龍圖... 易老通言... 尚書譜... 休寧志卷七

為一論卷二十

禹貢圖論上朱子答書云披圖按說如指諸掌幸甚此

書之傳為有益於學者陳氏曰九論五十三篇後論其於江河淮

皆辨正之大淳熙四年經進失實

毛詩辨正同上又有七篇論

演繁露同上六卷

攷古編同上十卷

雍錄同上十卷

北邊備對上陳氏曰大昌博學長於考究所著皆可傳

世卷六

陰符元機直微猷閣贈朝議大夫朱安國撰

備邊管見起居舍人吳格撰

訥言十篇朝散大夫知惠州朱權撰

末議同上

書約義處士程穆撰

書博文上二書丞相鄭清之倉使王伯大序而傳之

史權處士趙幾撰江宋符序

太極圖說解武夷書院山長徽庵先生程若庸撰

近思錄注上

增廣性理字訓上左史呂午丞相程元鳳序

徽菴先生講義上

性理字訓集義黔江縣令金若洙撰

進學提綱處士程士清撰士清字直卿號竹所徽菴從子

膠脈元龜上

大學口義處士吳浩撰

管錐雜誌處士范啓撰

服膺錄紫陽書院山長弘齋先生曹涇撰以下皆

讀書記同上

弘齋先生講義同上卷

四書發明定宇先生陳櫟撰徽州路總管胡元序

論語訓蒙口義同上弘齋曹涇序

書傳纂疏同上

禮記集義同上

深衣說同上弘齋曹涇序

增廣通畧同上福建儒學提舉廬陵龍雲序永新守禦千

戶俞茂刻梓

四書輯釋道川先生倪士毅撰環谷先生汪克寬序

歷代帝王傳授圖說同上

中庸講義海鹽州教授程逢午撰卷三

通鑑目纂處士曹仲塾撰四卷

潮說處士吳觀萬撰

夏小正辨同上

閏月定四時成歲考同上

脩短龜鑑處士趙一夔撰元貞初經進

性理問答定宇門人吳彬編以附人

春秋屬辭東山先生趙汝撰翰林承旨宋濂序對五

春秋集傳附五卷

左氏傳補注附上卷

春秋師說

三卷同上

奕書問對

一卷同上

通鑑綱目九例考異處士金居敬撰

五經四書旁注翰林侍講學士朱升撰

孝經小學旁注

書傳輯

同上

書傳補正

同上

老子孫子旁注

小四書

同上

小學名數

同上

彙書內外雜傳

刑統成解

周易集傳蘄州知州程汝器撰

卷十

道統源流處士金德珙編德珙字仁本汪溪人家貧好

學手不釋卷以先賢遺書湮沒為已任手所抄錄三十

餘家悉送書坊鈔梓

程朱氏錄

同上

小四書音釋

同上

小學字訓注陳定宇先生撰族孫儒學生

榮鰲

重刻

書目二

海寧集處士贈殿中丞曹汝弼撰職方舒雉序稱其體製高遠有王右丞孟處士之風以下皆宋人

吳端翁詩集端翁名範穎濱蘇公宰績溪日與範遊且稱其詩有尚書楊傑序

金忠肅公文集敷文閣學士贈少保金安節撰

奏議同上卷

查待制文集龍圖閣待制查道撰

鬻年集尚書比部員外郎洪湛撰對

漫翁集陳尚文撰尚文字質夫陳村人宋宣和間與兄尚忠遊太學在圍城中後從南渡歸以特科第進士仕止簿尉尚文以杜鵑詩知名人號陳杜鵑

石室先生集太學生江致一撰

程文簡公文集龍圖閣學士贈少師程大昌撰二十卷

實四

竹洲集廣南西路安撫吳文肅公倣撰左史呂午端明

程秘序曾孫資深嘉熙二年表進賜謚資深字逢原號

友梅能世其學三十卷

棣華小錄同上

鳳山集尚書戶部員外郎吳天驥撰二十卷

龜峯文會錄直徽猷閣贈朝議大夫朱安國撰

茅堂詩集靜江府理定縣令程令說撰

汪直閣文集直煥章閣主管冲佑觀汪文振撰

李頌集建昌軍教授汪維國撰

東隱集處士程先撰子未奇號格齋有格齋雜稿

方壺集處士汪莘撰端明程秘序

聽詞類藁當塗縣令吳箕撰十一卷

程正惠公文集同知樞密院事贈特進程卓撰十卷

奏議同上

默齋集朝散大夫知惠州朱權撰二十卷

主敬集處士江宋符撰宋符字景章石佛人

洛水集端明殿學士贈少師程秘撰六十卷

內外制類稿各二十卷

雙渠集處士吳圓撰圓字應規

陳通守集福州通判陳慶勉撰

吟嘯集處士趙幾撰劉後村跋云五七言超脫不為句

律所縛歌行悲憤慷慨似盧仝劉義歿宗老元鳳號連
青亦有集

蘭晚斐作處士夏達才撰

圖南課同上

紫薇逸士集處士程垣撰垣字務實劉後村跋云迨詩
抑揚開闔窮變態未知與任華盧仝何如卷七

麟坡集宣州通判吳山撰山字鎮國江潭人

竹岳藁進士朱惟賢撰惟賢字景禹咸淳元年阮洞
登第

雲厓文集處士葉介撰介字介夫劉後村跋云君之
穎言氣如孫伯符下江南之兵如張雷出匣之劍如三
江初三十八之潮割甚不可當沛然不可道

南華集處士吳錫時撰錫時安撫文鼎公孫尚

麟序稱如審言之於子美

秀山集宣城縣令汪若楫撰卷十

雞肋漫錄處士范啓撰

東園斐藁黔江縣令金若洙撰武舉狀元程鳴鳳序

四詠吟編同上

百老詩南康軍教授程有容撰有容字敬甫以口人號省
齋端明秘之族咸淳四年進士丞相馬碧梧深器重之

汴梁吟藁通州判官陳山孫撰又有弗齋遺集

吳達齋集國論吳應紫撰

艮山集太學生孫嵩撰虛谷方回序稱其持以見朱文
公可無愧哉卷五

樂安集處士孫岩撰岩嵩弟虛谷方回序稱其或類子

美或類后山不具眼者不識也卷六

南窓詩集上元縣簿程洙撰卷三

書文韻儷藁紫陽書院山長弘齋曹涇撰各五卷下皆元人

泣血錄同上

雜作管見同上

月潭集處士程岩起撰岩起字伯翔

翠蓬集處士劉宇撰宇字大虛縣前人

蓬窓集處士趙萬頃撰萬頃字平子龍源人兄萬春弟

萬里俱以詩名

心月藁處士張玉撰玉字中白

松所集處士朱

竹居集處士胡潤撰潤字澤之

梅嶠集處士葉朱撰朱字孔陽以上三處士鄉人目為

歲寒三友

雲屋集處士趙弥忠撰弥忠殘之姪虛谷方回稱其詩

有朱韋晦之體文有羅鄂郢之風弥忠族人昺號竹西

豈卿號是齋皆有著述

廷策纂要國諭程徹編徹洙子

海寧吟派處士吳緯編緯字仁甫上山人所編共四十七人

桂垣集同上

斗山吟藁處士程以南撰以南字南仲虛谷方回序稱

其筆力勁健無近人綺麗風

心齋集處士汪積真撰積真字元暉

野趣藁處士楊公遠撰公遠字叔明
東軒集處士許務遜撰務遜字伯堅
松岡集處士吳先登撰先登字元甫
芝田集處士孫國瑞撰國瑞字君玉雷溪人
月溪藁處士汪良孫撰良孫字賢甫
本齋集處士吳從龍撰從龍字慶雲
梅莊集處士朱遇龍撰

恕齋集處士許得孫撰得孫字自得

汪敬夫詩集敬夫字弥恭。休寧有月評詩社自吳從
龍以下四人實司其盟

查德宇詩集德宇名儀鳳城北人

夏放翁詩集放翁名舒城南人

新安文統處士程自強編自強會里人

白雲集處士吳齋撰齋字萬頃梢雲人從婺源汪古逸
遊

草窓集處士黃智孫撰智孫字常甫五城人陳定宇黃
行叟皆師之行叟字求心智孫族人至治間居學職博
物洽聞有名

朱敬輿存稿敬輿名以禮陳村人倪道川師之子晏字
平仲更名克正舉進士

定宇陳先生集先生名櫟從子元定亦有著述

道川倪先生集先生名士毅

金元忠詩集元忠字居敬

野鳴集處士趙一夔撰

履尚集處士汪莊撰莊字源新西門人寓中澤以詩鳴族人德玉字孚尹號璜隱亦有著述

退密老人詩建康府判汪巽元撰卷子希字仲罕仕為會昌尹亦以詩名

滄洲集陶金副使金玉相撰玉相字清甫汪溪人弘齋曹涇讀其和潮州韓文公廟碑詩云鼎嘗一啗其餘可知

知

宋子中詩昔江西宋壺山兄弟以詩馳名而休寧宋叔廣平仲以詩見之壺山答詩云二宋姓名分小大一江流水自西東子中蓋叔廣兄弟之後

臞山集處士程洵撰洵字孟如會里人野航集欽州總管吳禮撰

黃氏節孝錄秋江處士黃一清編

金伯明存稿伯明名若愚忠肅公族孫師陳定宇

吳氏昆仲集處士吳彬及其弟顯撰吳氏古墩人處士範七世生彬字仲文陳定宇之甥嘗從遊定宇曰吾甥可以傳吾學方回序稱其雄邁工整自成一家顯字季揚與兄齊名

瑞軒集處士程應辰撰應辰字瑞卿隱居教授族人植字仲本與朱升趙訪友善應辰及植皆徹從曾孫

姚江集四川紹興路教授汪松壽撰松壽字正心石田人傳通諸經子史

汪氏淵源錄上

吳萬戶詩集萬戶名訥仕為建德路判官兼義兵萬戶

禮之子

陳寔卿文集寔卿名光兄月卿文亦清純

東山趙先生文集先生名訪共十卷以下

風林集翰林侍講學士朱升撰亦號隆隱

白沙行藁六安州判朱模撰卷一

松石稿行樞密院都事吳觀國撰

桂林稿處士吳遠撰

都是春詞社也 愚齋集處士汪周撰雲陽李和序周字子文黃原人在

學汪古逸

茂齋詩集饒州知府葉宗茂撰

汪德茂詩集德茂名蔭從學汪克寬趙訪

尚志齋集河南滎澤縣丞余鏞撰孫震亨亦以詩名

後圃存稿處士黃樞撰樞弟權字子中亦能詩文

伴竹稿處士陳盤撰盤姪嵩亦有集

楊季成集季成名琢板橋人休寧教諭

范平仲文集平仲名準工部主事其集有壑甕稿繆稿

悉白稿何陋軒稿西遊率稿

覆瓿稿禮部侍郎朱同撰同升子

新安志十卷 任氏昆仲集雄峯翼萬戶任立及其弟初撰

葯溪集處士吳買撰

松隱集建德教諭江奎撰奎字彥明

松蘿吟稿偃師縣簿孫英撰四明王賓序

慶源遺筆處士金大撰大字弘道汪溪人詩文淳古不苟合于世

韞玉山房集温州平陽縣簿吳珙撰珙字韞中元鄉貢進士節之子從學俞鏞年十六作天馬歌鄉人傳誦范平薦于朝賦鍾山紫翠萬方玉帛來庭登鳳凰臺望

大江三詩稱旨授官卒

學易齋集蘄州知州程汝器撰

緝齋稿處士范再撰再字續卿博村人力學能文言詞警敏歛鄭潛婺源汪仲魯輩深相器重嘗詣

關請留知縣周德成從之且賜宴賚

玩雲道人稿處士程禕撰禕字彥章洪武中以文學舉弗起其集有竹林吟稿拙逸稿適情稿

夏泉稿

楚府伴讀程叔春撰

拙默生集處士吳同撰同字和中黃原人洪武中以薦入翰林曾學士榮輩皆敬重之永樂六年扈從至東阿卒

約齋集工科左給事中兼司經局校書吳牧撰

耕雲小稿處士程晦如撰晦如字萬輝禕之從姪安貧力學其集又有應酬文藝江湖風雅隨筆雜志率意錄諸書

山林歌詠稿處士程玩撰玩字叔潤號韞齋植之族孫祖闡號立雪亦鄉耆儒

竹塾集處士吳麓撰麓字以聲黃原人

市隱集處士汪蔭撰蔭字希茂西門人族伯宗德字以

名號尚古尤能詩工琴有篋集

新安文輯處士金德珙編七卷

晴洲集兵部尚書贈太子少保程襄毅公撰又有容新

稿翰莊集尹東集南征錄

鈍齋集處士蘇大撰大字景元城南人又編

新安文粹卷五

皇明正音卷

雲隱吟稿處士孫陽撰陽字士暉汧口人


雪軒集處士孫鼎撰鼎字則中坑口人

友雲集處士程亨撰亨字文通城北人○亨與鼎皆

厚儒者嘗預官府纂修事鄉人重之

本縣知縣陳為編刊

程氏貽範集左春坊左諭德程敏政會族人編刻卷十



Handwritten text in the left margin of the lined section, oriented vertically. The text is faint and difficult to decipher but appears to contain several lines of characters, possibly a date or a reference number.

